



SIARAN MEDIA

KEMENTERIAN BELIA DAN SUKAN



KBS : 59/2024

MAJLIS PERUNDINGAN BELIA NEGARA PLATFORM MENGANGKAT SUARA BELIA MALAYSIA

1. Menteri Belia dan Sukan, YB Hannah Yeoh telah mempengerusikan **Majlis Perundingan Belia Negara (MPBN)** bagi **Sidang II, Penggal 34, Sesi 2023 – 2024** bertempat di **Pusat Belia Antarabangsa (IYC), Cheras, Kuala Lumpur** hari ini.
2. Persidangan ini turut dihadiri oleh **Timbalan Menteri Belia dan Sukan, YB Adam Adli Abd Halim** dan **Ketua Setiausaha Kementerian Belia dan Sukan (KBS), YBhg. Ts. Dr. Nagulendran Kangayatkarasu**. Hadir sama, **Timbalan Ketua Pengarah (Pembangunan Belia) Jabatan Belia dan Sukan Negara (JBSN), YBrs. Dr. Zainah Shariff** dan **Presiden Majlis Belia Malaysia, Saudara Mohd Izzat Afifi Abd Hamid**.
3. MPBN yang diperuntukkan di bawah **Akta Pertubuhan Belia dan Pembangunan Belia 2007 [Akta 668]**, merupakan **sesi libat urus dan persidangan** yang menghubungkan pemimpin pertubuhan belia negeri dan kebangsaan dengan wakil-wakil kementerian dan agensi persekutuan. MPBN mempunyai keahlian seramai **142 perwakilan belia** dan buat julung kalinya **disiarkan secara langsung di platform media sosial**.
4. **Objektif penganjuran MPBN** adalah seperti berikut:
 - 4.1 menyediakan platform bagi mengadakan perbincangan secara **konstruktif dan inklusif** berkaitan pembangunan belia;
 - 4.2 mengangkat **suara dan pandangan golongan belia** ke peringkat tertinggi Kerajaan;

- 4.3 memperkasakan **pembangunan belia** daripada pelbagai perspektif seterusnya memberikan impak positif kepada negara; dan
- 4.4 melahirkan belia **dengan jati diri yang unggul** selaras dengan pendekatan **Malaysia MADANI** dan **Model Pembangunan Belia MADANI 2030 (MPBM 2030)**.

5. Sebanyak **tiga (3) usul pembangunan belia** telah dibahaskan oleh perwakilan sepanjang berlangsungnya persidangan iaitu:

BIL	USUL
I.	Bahawa sidang ini mengambil ketetapan untuk mengintegrasikan pendidikan pemakanan sihat dan gaya hidup aktif dalam ekosistem belia.
II.	Bahawa sidang ini mencadangkan kerajaan untuk mengurangkan tekanan kepada ibu bapa muda melalui pelaksanaan pendidikan pra-sekolah percuma dan memperbanyakkan jumlah pra-sekolah di seluruh Malaysia.
III.	Bahawa sidang ini mencadangkan penubuhan Akta Kesejahteraan Generasi Masa Depan.

**Usul ini tertakluk kepada pindaan dan perubahan dari semasa ke semasa*

6. Pelaksanaan MPBN ini juga menzahirkan komitmen **Kerajaan MADANI** untuk memperkasakan pembangunan belia dengan mengangkat suara dan buah fikiran golongan belia seiring dengan hasrat dan aspirasi dalam kerangka **Malaysia MADANI** dan **Model Pembangunan Belia MADANI 2030 (MPBM 2030)**.
7. Sekiranya terdapat pertanyaan atau memerlukan maklumat lanjut berhubung penganjuran MPBN, sila hubungi **JBSN** melalui talian **03-8871 3294** atau e-mel **jbsn@kbs.gov.my**.

UNIT KOMUNIKASI KORPORAT
KEMENTERIAN BELIA DAN SUKAN
12 September 2024